



Mla er a President Thomas S. Monson

Klengeltengat er a Templo

*Sel dengar a templo, e ngarngii a denguu el teletael
er a chedaol tekoi e kid a melchesuar a budech.*

Betik er a renguk el rodam me a rodos, ng meral dmeu a renguk lobengkemiu er chelechal klebokel el tutau er a Baskua el udlesued obult el bedul Osobeled a beluulechad. A kudersii a beltkil a renguk e oudkeu er a dersta me a dersta er kemiu e meluluuch me a Demad er a Babeluades bo lomekrael a tekingel.

Chelechal ongdibel eng mo meng euid el rak er a kmoterekokl el Merredelel a Ikelesia. Ak meral mle mechesang er a chelsel a ikaikid el rak, el mui er a diak el dil mekesai lolibesongel ng dirrek lobengkel a diak el mochur el klengeltengat. A bebil er a ikaikid el klebokel e chedaol klengeltengat a ikel mlo techellek el mo olterekokl a templo me a lmuut loterkeklel a kuk bebil.

Ng dirk ke tekoi, e tial mlo merek el November eng mle techellek el mo olterekokl er a klebokel e beches el Templo er a Phoenix Arizona. A ulebengkek a President Dieter F. Uchtdorf, Elder Dallin H. Oaks, Elder Richard J. Maynes, Elder Lynn G.

Robbins, ma Elder Kent F. Richards. Sel kesus rucheil er a oterkeklel a templo, e a klebokel lungil klebesei a mlar ngii el mle kmeed el eua el telael ngeasek el ngeleked er a temple district a ulsekool el kmal mle ungil. A bol kukuk e a templo a mloterekokl er a chelsel a kldei el chedaol e ulekrael ongdibel.

A okedecherul a templo a bleketakl lolchotel a okerulel a Ikelesia. Chelechal taem e a Ikelesia a ngarngii a 144 el templo er ngii er a chelsel a beluulechad el rokir, e a kleim a lomekbeches e a tacher me a kldei a merael a ureor er ngii. A dechelel a ikang, e a ikel tacher me a kldei el templo el mluchais rucheil a merael omengedmokl el kirel rucheil er a lomuchel a ureor er ngii. Chelechal rak e kede melatk el muut loterokl a teblo er a templo e oterekokl a kleim el beches el templo el ngii a kirel mo merek er chelechal rak.

A ikal merko el erul rak, el duluureor el kirel a rekil a mluchais er mer kid el templo, e a ki mlo oreked a uldasu el kirel a lmuut el dechelel a

templo. Eng di, chelechal tutau, eng dmeu a renguk el mo ouchais a kldei er a beches el templo el ngii a bo lomekedechor er a ikal beluu: Abidjan, Ivory Coast; Port-au-Prince, Haiti; ma Bangkok, Thailand. Ng klou el klengeltengat a ngarngii el mo er tirka el blak a rengir el chad ra ikelesia er a ikal beluu e, dirrek uaisei, el mora rokui el basio el ngarngii a templo er ngii er a beluulechad el rokir.

A teletael lolterekokl a usbechellel e osiik a basio el kirel okedecherul a lmuut el bebil er a templo a melelem, leng kmal soad a rebetok el chedal a ikelesia bol ngarngii a techellir el mora templo el diak el sal mo chuarm el chemoit a temir me a ikel ngarngii er tir. Ng ua ikel mla mekedmokl er a ngaramong, aki melelem louchais er kemiu sel moterekokl a uldasu el kirel tiang.

Sel kumdaso el kirel a templo, e a uldesuek obult el bedul aikel betok el klengeltengat el ngara chelsel. Sel desiseb er a tungelel a templo, e kede ocheuekl a olibesongel me a rraureng er a beluulechad. Chelsel tial chedaol basio, e kede metik a klebokel el tekoi me a ungil cheloderoder el teletael. Ngarngii a ulengull el mei er a rengud me a ngeso el mei er a klengar kid.

Sel dengar a templo, e ngarngii a denguu el teletael er a chedaol tekoi e kid a melchesuar a budech el kmal mesisiich lengelakl er a ikel lomelchesiu a chad er a chelsel a rengul. Kede mo ungil medengeli sel meral belkul a tekingel Osobel er a le du el kmo: "A budech ak beskemiu, budech el kubang ak beskemiu. . . . Bol chelelakl a rengmiu, e lak komedakt."¹

Tial budech a sebechel mo mui er a rengul a ngii di el chad—reng el ngara ringel, reng loberaod er a klengitelreng, reng el ngara rraureng, reng lolengit a ngeso.

Ak dirk mlo medengeli a ngeasek el chad el mlora templo el mo osiik a ngeso. Betok el buil rucheil eng ngiluu okedong el mora mission er a South America. Eng di, a visa er ngii a kmal mlo meoud meng kuk mلودurokl el mora mission er a Beluu er a Merikel. Ng kora uaia blol mekngit a rengul el dimlak bo losiou er a basio el ngii a mle kot el mokedong el morngii, eng di ng mle blak a rengul loureor er tial beches el basio le blorngii, e mle blak a rengul loureor el mo er sel tkul er bab el sebechel. Ng mlo merat a rengul, el kirel, a diak el sal ungil blekerdelir a rebibil er a remisionari el dimlak el sal blak a rengir loureor lomerk er a ebangkelio e bai kora di milil.

Sesei el buil ruriul e ngika el ngeasek el misionari a kmla mlo smecher el mlo chitechut a bital bedengel, meng mlo remei e ngara ukeruul.

Sesei el buil ruriul e ngika el ngeasek el chad a kmal mlo mesisiich, el mlo diak el chitechut. Ng mlo medengei el kmo ng sebechel muut el mora mission, el ngii a klengeltingat el kmal di ble loluluuch el kirel er a bek el sils. A di mlo chetil er ngii a mlo medengei el kmo ngelmuut el mora osisiu el mission le bla er ngii, el ngii a ulemelchesiu el kmo a blekerdelir me a omerellir a rebibil er a remisionari a dimlak el sal ungil.

Ng mlora templo el mo osiik ongelaod me a nger me luchul e bo lungil el misionari. A rechad er a blil me te mla ngara nglunguuch me tial odingel el mora templo bo luchul a ngeso el mora ngelekir.

Ngika el ngeasek el chad er a lesiieb er a delmerab er a celestial ruriul er a session, eng mlo dengchokl er a kingall e mocha meluluuch lolengit a ulekrael er a Demal er a Babeluades.

Telkib el taem ruriul e a tara ngeasek el chad el ngklel a Landon a soiseba er tial delmerab. Tia er a

lorael dmuu er a chelsel, eng tilab osengel er a ngeasek el chad el dengchokl er a kingall, e blutk a medal el kltukl el ngara nglunguuch. A Landon a ngiluu a bleketakl odbechel a reng el kmo ng kirel mangededuch er ngika el chad. Ng kora dimlak el soal mo mengesang er ngika el chad, meng, ulemdasou a mengiil el telkib. Uriul er a sesei el bung e ngika el buik a dirk millemolem el ngara nglunguuch. A Landon omdesua el kmo ng diak el sebechel mengeteket er tial odbechel a reng. Ng mocha er bita er ngika el chad e mekekakil rutechii ongelgelel. Ngika el chad a milok a medal, e mechas a rengul el uaia bla le meterob a nglunguchel. A Landon a mocha mekekakil melekoi el kmo, “Ak kumelchesiu el kirek el mangededuch er kau, eng di diak kudengeli a uchul.”

A bocha lechadeduch, e ngika el ngeasek el chad a ouchisang er a Landon a rokui el mlara rengul, louchais er a teletael le ngara chelsel me sel blakelreng er ngii el ngmai ongelaod me a omelisiich el kirel a mission er ngii. A Landon, el dirk tal rak er a bol merek er a ungil mission er ngii, a mocha ouchais er ngii a teletael er a le ngara mission, aikel kuk ringel me a sebekereng er ngii, me a taem lulebult el mora Rubak losiik a ngeso, me a klengeltingat le ngilai. A tekingel a chilodii e smisichii ngika el chad, me sel blakelreng er ngii el kirel a mission er ngii me ngulebult el mo er ngika el chad. A lorael, el kora dikea el sal suebek a rengul, e ngika el ngeasek el chad a mlo omelchesiu er a budech. Ng ulmelchesiu er a dmolech lomereng el saul er a bocha lodengei el kmo a nglunguchel a mla monger.

Tirka el teru el ngeasek el chad a mocha dmak el meluluuch, e a Landon a mocha merech er ngii el merolang, lungil a rengul el kmo ngulerrenges er a odbechel a reng el mlei er ngii. Tia er a bol dechor el merolang, e ngika el ngeasek el chad a uleker er a Landon, “Ke milesiou er ker el mission?” Melmuut er tiaikid el

taem, eng dirkak louchas er a tang a ngklel a mission el tir a milsiou er ngii. A Landon er a longer el morngii er a ngklel a mission er ngii, eng mocha merael chiuosech er a medal ngika el ngeasek el chad. A Landon a mlara osisiu el mission el ngika el ngeasek el chad a lmuut el mor ngiil!

A babilengel el dirk ngiluu, e a Landon ouchais er ngak a tekingel ngika el ngeasek el chad el mo er ngii er a bocha le kasmesumech: “A kuumerang el kmo a Chedam er a Babeluades a mo omekngeltengat er ngak, eng di dimlak kudengei el kmo Ngii a mo odureklii a chad el mlara osisiu el mission el bla er ngii el me ngosukak. Ak medengei el kmo a rokui el tekoi a di mo ungil besul.”² A nglunguchel a reng el meral losiik a mla morenges e monger.

Rodam me a rodos, ng morngii ongetikaik er a klengar kid; ng morngii a ongarm me a ringel. Sel de bora templo, e dolbedebek a telbiil el deruul er a chelsel, eng mo sebeched el mo mesisiich er a ikal ongetikaik e mo meduch lotekangel ongarm. Chelsel a templo e kede metik er a budech.

A klengeltingat er a templo a kmal mekreos. A chimo er ngii el ksal mereng a saul kirel er a bek el sils er a klengar ngak a sel klengeltingat el ngak me a betik er a renguk el bechik, er a Frances, a ngiluu er a ki moutubaruach er a chedaol altar e ki mkedmekelii a telbiil lomak er kemam el mora ulebongel. Ng diak a ngodech el klengeltingat el kmal mekreos er ngak er sel budech me a ongelaod el knguu er sel klemedengei er ngak el kmo ngii me a ngak a lmuut el mo dmak.

A Demad er a Babeluades bo lomekngeltengat er kid me bo doba sel reng el mo mengull er a chelsel a templo, e bo dolngesenges a Llechul, e bo dungil loltirakl a blekelel a Rubak e Osobeled, el Jesus Kristo. A kuchais el kmo Ngii a Osobeled. Ngii a Ngelekel a Dios. Ngii a mlekiis er a debull er sel kot el tutau er a Baskua, loba sengk er a diak a ulebengelel

klengar el mora rokui el ngelekel a Dios. Chelechal klebokel sils, el dout-keu er tial klou a belkul teletael, e bo de ngara nglunguuch er a omereng el saul el kirel sel ngarbab e meang el sengk er Ngii el mei er kid. Me bolua-isei, a nglunguchek el ngara Chedol ngklel, amen.

ULEKLATK

1. Johanes 14:27.
2. A llechukl el cheldechederir a lolab a Thomas S. Monson.

Osisechakl er Chelechal Taem

Ngomuchel er a May 2015 el mo el muut er a October 2015, e a suobel er a Melchizedek Priesthood me a Relief Society er sel ongeua el Sandei a kirel el mengai er a ta er a cheldecheduch er sel klou el ongdibel er a April 2015. A October, e a cheldecheduch a sebechel mengilt er a klou el ongdibel er a April 2015 malechub e ng October 2015. A remerreder er a stake me a district a sebecherir el ngmilt a cheldecheduch el bo lousbech, malechub e te nguu tia el ngerachel el mesterir a rebisop me a remerreder er a branch.

Aikal cheldecheduch a ngarngii er a kakerous el omelekoi el ngara conference.lds.org.



Mla er a President Dieter F. Uchtdorf
 Ongerung el Counselor er a First Presidency

Sengk er a Chedaol Ngesou

Chelechang el mo er medad ea chedaol ngesou er a Dios a ngarngii el mora rokui loba ngariou el reng e ouchel a rengrir.

A Sandel el Baskua e kede outkeu er a dulengiil er ngii el klebokel el sils er a reksi er a beluulechad.

Tiang sel sils el ngilodech a rokui.

Tial sils, a ngildechii a klengar er ngak.

A klengar er kau a mlengodech.

A mo teletelir a rengelekel a Dios a mlengodech.

Ngar tial mlukngeltengat el sils, e a Osobelir a rokui el chad, el Ngii a ngilai a ringel er a klengit ma kodall el de llechotel er ngii, a mlo mesisiich ra ika ringel e meskid a imokl.

E le uchul eng mlo chuarm a betik ra rengud el Osobel, e a kodall a dikea lulebengelel, a debull a dikea klisichel,¹ a Diablong a diak el meketeket a klisichel, e kid “a mla mengai. . . el lemuut el mora klungiaol dongerchir lokuu a *okisel* a Jesus Kristo.”²

Ng uaisei, a Apostol Paulus a mle mera llolekoi er a ledu ng sebechemiu el “melisiich a rengmiu lolab a ika tekoi.”³

Chedaol Ngesou ra Dios

Kede blechoel mesaod er a Tngakireng er a Osobel—e kmal kired!

Ngara Babier er a Mormon ea profet el Jacob a uleker; ngerang meng diak dosaod er a tngakireng er a Kristo, medenguu a cherrungl el klemedengei er kid er ngii?⁴ Eng di kid a mesaod er a Kristo, . . . oldeu a rengud er a Kristo, . . . olsisechakl el kirel a Kristo, [e] omlaoch er a Kristo”⁵ er a bek el techall, ng meral diak el kired el metom er sel dmolech lomengull me a dmolech lomereng el saul er a diak a ulebengelel el omele- nget er a Ngelekel a Dios.

A Tngakireng er a Osobel a diak el kired el di oubeot el reng er ngii er a osisechekled, tekinged, malechub a chelsel a rengud. Tiang a okedeldaol e chedaol; e leng ngulekiu tial klou e ulebongel el tenget e a Jesus Kristo a mesterir a osebelir tirkel rokui el mo umerang er a ngklel.⁶

Ng mechas a renguk sel kumdasu er a Ngelekel a Dios el mlieriou el mo olsobel er kid, el diak de cherrungel,

diak de klikiid, di mengeuid, e blechoel diak doureng a saul. Ak mla melasem el mo medengeliu a Tngakireng ra Osobel lousbech er tial kekerei el klemedengei er ngak, a dita el omesodel el sebechek el mesang a tiakid: a Dios a dmolech a beltkil e rengul mer kid, cherrungel, e diak a ulebengelel. Meng diak el sebechek el mocha omuchel el mesang “a tengel, klemengetel, me a delechel, me a kldidiul . . . [sel] beltkil a rengul a Kristo.”⁷

A mesisiich el olechotel tial beltikelreng sel chedaol llechukl a omekedong er ngii el *chedaol ngesou er a Dios*— ng chedaol ngesou me a sengk er a klisiich el ngii a mekerulii sel klechad er kid el mekngit e klou a ngesengesel el mo nguu a klebkall er a klemerang ma llomes, el mor sel taem el de mekebkall er a klemerang me bo dodengei a rokui el tekoi.⁸

Ng kot el klebokel el tekoi, tial chedaol ngesou er a Dios. E tiang a blechoel diak dungil medengeliu.⁹ Meng uaisei, eng di kid a kired el medengeliu tial chedaol ngesou er a Dios alsekum meng soad el mo ulecheringel el melai a kldmokl el blingeled er a diak a ulbengel rengedel a Dios.

Me tiai a uchul eng soak el mo mengedecheduch el kirel a chedaol ngesou. Me a, kot, eng mekerang a chedaol ngesou *a le nguu a chesmerel a babeluad es*, ea ongerung, eng mekerang a le *bekengii a tungelel a bebehuades*.

A kot: A Chedaol Ngesou a Nguu a Chesmerel a Babeluades

Le uchul a kede rokui el mla “ruebet ra klengit, meng dikeal sebechel el nguu a klebkellel a Dios”¹⁰ e dirrek

a uchul ng diak a ngii di el mekngit el soiseb er a rengedel a Dios,”¹¹ kid el bek el chad a diak el sebeched el lemuut el mora le ngarngii a Dios.

Ngii malsekum kede mo mesiou er a Dios el blak a rengud, e ker dirrek el di mongesonges e le kid a diak a tang mel sebeched el moungil mesiou.¹² Ng diak el sebeched el mecherar a roled el mora babeluades; le longerchir er ngii a llach a torbengii tiang, me kid a diak a klisiched el di kid el ngubetid.

Ng ding diak lak a roled.

A chedaol ngesou er a Dios sel kot el ngarbab e di ngarngii lomeskid el mo klungioled.

Ngokiu a tenget el Jesus Kristo, e a moktek er a klechubechub a sumecheklii a longerchir rengii a llach¹³ “e mo [kudmeklii] a roled a mosuobel el mor tirkel rokui el moumerang me bo louchel er a kngterir.”¹⁴

Me a kngtid, el bekerkerdang, a sebechel mo becheleleu el ua yuki.¹⁵ Ele a uchul a betik ra rengud el Osobeled “a chilitii a klengar er ngii el kirir a rokui,”¹⁶ me a tungelel a diak a ulebengelel rengedel a mla mekedmokl el meir er kid.¹⁷

A siseball a diak el chelseches!

Eng di a chedaol ngesou er a Dios a diak el dil kedmeklid me deluut el mo uai sera lak a kngtid. Alsekum a belkul tial mo suobel a di mo smuld a cheleuid ma kngtid, e sel mo a suobel—el ngii a kmal lungil — a mo diak lotutii sel moktek er a Chedam el kired. A Moktek er Ngii a lmuut el ngarbab: Ngii a soal a Rengelekel el sechal ma redil a bol uai Ngii.

Sel lobengkel a sengk er a chedaol ngesou er a Dios, e a roled a roltirakl a diak lora el bedul ruriul; ng merael bedul bab.

Ngoikid el morsel tkul rebak el diak desang! Ngoikid el mo nguu a klebkall er sel kot el ngarbab el rengedel a Demad er a Babeluades, el ngarisei, el iliuekl er a rebetik ra rengud, e ngmai a ikel rokui el lolab, me a klebkellel.¹⁸ A rokui a dengai, e kid a mora Kristo.¹⁹ E merang, a ikel rokui el daisang er a Chedam a

bolngai el meskid.²⁰

A ngeiul tial klebkall, a dousbech er a lmuut el betok el diak el dil chesimer el diak el cheseches; ng kired el mo soiseb er a chesimer loba reng el semeriar el mo mengodech—el mesisiich el mengodech el uaisel losaod er ngii ra chedaol llechukl el mechell el beches; mechell el ngara Dios, e mengodech er sel mle [teteleled er a klechad] me a rebeted, el mo er a llemalt, el mla mukbeches ra Dios, el mocha ngelekel el sechal me a redil.²¹

Ongerung: A Chedaol Ngesou a Mekengii a Tungelel a Babeluades

A tara telengtengil a chedaol ngesou ra Dios a mekengii a tungelel a babeluades, el ngii a bol loleitel a Dios a klengeltengak er a klisiich, el ngosukid el mo remuul a tekoi el ngii omkong di kid eng diak el sebeched el remuul. Me ngokiu tial mengasireng el chedaol ngesou er a Dios e a Rengelekel a sebecherir el mo mesisiich er a diak el meues el odbechel a cherarou, mo diak loruul a mekngit, e “mo mecherrungel er a Kristo.”²²

Kede uaisei el rokui el ngarngii a chelitechetud, kid a sebeched el mo mesisiich er ngii. E uaisei lokiu a chedaol klisichel a Dios, e sel de ngai a rengud el meriou e doumerang, e a chelitechetud a sebechel mo klisiched.²³

A klengar er kid el rokir, e a chedaol klisichel a Dios a omeskid a klengeltengat er a tekingel a klechad me a tekingel a reng el ngii a mo menglou a duch er kid e omeskid a klungiaol. A chedaol ngesou er Ngii a omiich a rengud. A chedaol ngesou er Ngii a ngosukid el mor sel kot el klungioled.

Ng Techa Sebechel Mo Nguu Tiang?

Ngara Bibilia e kede choiuii a odngelel a Kristo el mora blil a Simon el Farisi.

Osenged er ngii, ea Simon a kora mle ungil e melemlalt el chad. Ng blechoel el kerekikl ma ngerchelel ra ikelesia a kirel mekedmokl: ngultirakl a llach, melecha ongeltacher, oltirakl

a llechul Chedaol Sils, meluluuch er a bek el sils, e mora ikelesia.

Eng di a Jesus er a ledak ngii ma Simon, e a tal redil a mlo duum, e ngilatech a chochil Osobel lolab chiuosech ra medal, e chemilt a chochil ra meringel chad el cheluch.

A Simon a dimlak el soal tial teletael er a omengull, e leng mle medengeliu ngikal dil el ngara klengit. A Simon a ulemdasu el kmo alsekum ma Jesus a dimlak lodengeliu tiang, eng Ngii a locha diak el profet alsekum meng mecherei ngikal redil meng remutech a chochil.

A Jesus a mle medengei a lomdasu, meng mileltii el mora Simon e uleker. “Ng mla er ngii a chad el lulemed a udoud er ngii a teru el chad: . . . a tang a miled a eim el dart, ea tang a miled a okeim.

“E dimlak a ta er tir el [terung] el sebechel kokad a belsel, me ngikal le biled a ududel a di chiloit. Omomdasu, eng techa er tirkel terung a kmal mlo betik a rengul er ngikal chad?”

A Simon a ulenger el kmo ngikel mlechoit a betok el belsel.

A Jesus a ulsisecheklii a dmolech el suobel: : “Ke mesang ngikal redil? . . . Ng betok, el kngtid, a mla mousubes; e leng klou el beltikelreng a bla lochotii: e le ngikel mousubes er a kesai a di kekerei a bltkil a rengul.”²⁴

Te ngera er tirkal terung el chad a de uai tir?

Kid kede uai a Simon? Ke de chemat e klou a rengud el kirel a ungil urered, e oumerang el kmo kede melemlalt? Kid ng locha telkib el kedeb a rengud er tirkel diak loruul el uai kid? Kid kede uaisei, el di meruul a diak a uldesued el kirel el tekoi, ngara miting er kid, e di ouuas sel de ngara klass ra Gospel Doctrine, e check a dengua er kid sel temel a sacrament?

Malechub e kede uai ngikal redil, el ulumdasu el kmo ng meral mla remiid e dikea el sebechel el kngtil a uchul?

Kid ng klou el *beltikerreng a dolecholt?*

Kede ungil medengeliu a belsed el mora Chedam er a Babeluades me ke

dolengit loba rengud el rokir el kirel a chedaol ngesou er a Dios?

Sel bocha doutubuach el melu-luuch, e kede di omelekl a diosisiu lungil dorruul el leko kede kedung, malechub e kede ouchais a telemelled, e olengit er a chedaol ngesou er a Dios, e lmangel el kirel a dmolech lomereng el saul er a klebokel el uldasu er kirel a osobeled?²⁵

A osobeled a diak lobechar er a di olengesenges el merkong; tia ulebechar er a rsechel a Ngelekel a Dios.²⁶ A uldasu el kmo ngsebeched lokiu a ungil ured e kede mo suobel a di ua domechar er a ticket ra skoki e omdesua el kmo tial skoki a klokled. Malechub e a uriul er a dekekad a cheral a lengiil el blid, e kede mla mo ouklalou er tial rokir el beluulechad.

Me Ngera Uchul e Kede Olngesenges?

Alsekum me a chedaol ngeso a sengk er a Dios, e ngera uchul ma olngesenges a llechul a Dios a klou a ultutelel? Ngera me kede kmal cherdechidel er a llechul a Rubak—malechub a ouchel reng, el klou a ultutelel? Ngerang meng diak di de kengei el kmo kede meknngit e de becherei a Dios me losobelid?

Malechub, e dousbech er a tekingel a Paulus el oker, “Kid kede mele-molem el ngara klengit, ma chedaol ngesou dil ngarnngii?” A nger er a Paulus a beot e bleketakl: “Ng kmal mekull er a Dios.”²⁷

Rodam me a rodos, kid a olengesenges a llechul a Dios—leng betik a rengud er Ngii!

A omelasem el mo ungil medengeli a chedaol ngesou ra Dios loba rengud el rokir ma uldesued a meskid a betok luchul e kede oubeltikelreng e olengeseng er a Demad er a Babeluades lobengkel a klangariou el reng me a omereng el saul. Me sel dokiu a roled a roltirakl, eng omiich ra rengud, sumecheklid, e ngosukid el merael el mo uai Ngii, e mekrolid el lemuut el mo er Ngii. A Reng er a Rubak el [Dios er kemam] a mla meskemam a ua tia el mesisiich lomelodech er er a rengmam, . . . meng dikea er a

rengmam el meruul a meknngit, e bai di meleolem el meruul a ungil.²⁸

Maleuaisei, e a olengesenges ra Dios ma llechul a mekedmokl le tiang a redechel a beltikereng ma omereng el saul er kid er a klungiolel a Dios. Tial teletelel a meral beltikelreng ma omereng el saul a okiu a mengasireng el tekoi eng mo oldekdak a doruul er mor sel chedaol ngesou er a Dios. E a kldung a mo blechoel el ngara uldesued, e a rengud a mo uldellomel er a medal a Dios.²⁹

Rodam ma rodos, a otireklel a ebangelio a diak el meringel. Tiang a ungil a rengud er ngii el ome-suub—el mangedmokl er kid el mo melai er a daisang er kid er sel ngarbab el klebkall el diak a ulebengelel. Ng soad lolengesenges ra Demad er a Babeluades e le rengud a mo ungil lomelchesiu a chedaol tekoi. Dmolech el osengelel a tekoi a ngarnngii el dimlak dodegei el kmo ng mla er ngii. A llomes ma klemedengei a bo dengai sel doruul a soal a Chedam.³⁰

A chedaol ngesou a sengk er a Dios, e a rengud el soal mo olngesenges a bek el llechul a Dios a ua doldars ra chimad el mo melai er tial chedaol sengk el mlara Demad er a Babeluades.

Deruul Aikel Rokui el Sebeched

A profet el Nephi a milskid a klou a belkul tekoi el ngosukid el mo ungil medengeli a chedaol ngesou er a Dios er sera lolekoi el kmo: Aki blak a rengmam loureor . . . lolengit ra renglekam, me a rodam er kemam, el moumerang er a Kristo, e mo oltirakl er a Dios; ele a ki medengei el kmo *ngokiu a chedaol ngesou e kid a mo-suobel, ruruil er a deruul aikel rokui el sebeched.* ³¹

Eng di, a kumdasu el locha sel bebil ra taem e kede ngodechii a belkul tial tekoi el “uriul er a deruul aikel rokui el sebechel.” Ng kired el mo ungil medengeli el kmo a “uriul” a diak losisiu ngii ma “uchul.”

Kid a diak desobel “le uchul” kede mla remuul aikel rokui el sebechel. Ngarnngii a ta er kid el mla remuul a

rokui el sebechel? A Dios ng mengiil dilmerko dekedmokl a rokui el sebeched ruchei er a lesiseb er a klengar er kid loba olsobel chedaol ngesou er Ngii?

Te betok el chad a mo mechitechut a rengrir e leng blechoel mo diak el sebecherir. Te medengei el kmo “a reng a sebechel, eng di a tech a mechitechut.”³² Te meklou a ngerir el melekoi lobengkel a Nephi el kmo, a renguk a oumekikngit el reng leng kngtik a uchul.”³³

A kungil medengei el kmo Nephi a mle medengeli a chedaol ngesou er a Osobel *meskid a techall e olengeseu* er kid el mo mesisiich er a klengit.³⁴ Tiaikid a uchul ma Nephi a blak a rengul loureor lolengit er a rengelekel me a rodam er ngii “el mo oumerang er a Kristo, e mo oltirakl er ngii.”³⁵

Uriul er aikel rokui, *el ngii* a sebeched el remuul! E *tiaikid a ngercheled* er a beluulechad!

A Chedaol Ngesou a Mora Rokui el Chad

Sel kumdasu a le riruul a Osobel el mei er kid el morsel kot el Sandei el Baskua, eng soak el mo klou a ngerek loldanges er a Kot el Ngarbab el Dios ma Ngelekel, el Jesus Kristo!

A chesmerel a babeluades a diak el chelseches!

A tungelel a babeluades a di blok!

Chelechang el mor medad ea chedaol ngesou er a Dios a ngarnngii el mora rokui el ngariou a rengrir me a rengrir a ouchel a kngterir.³⁶ A Jesus Kristo a mla dmedesii a roled el mor sel kot el ngarbab el meringel er a di chad a mo medengeli.³⁷

Ak meluluuch el kmo kede mo mes loba beches el ues ma beches el reng el kirel a diak el ngemed el klou a belkul el tenget el ngakireng er a Osobel. Ak meluluuch el kmo kede mo olecholt a beltkil a rengud el mora Dios me a omereng el saul el kirel a sengk er a diak el ngemed el chedaol ngeso sel doltirakl a llechul e ungil a rengud el “merael er [a] beches el klengar.”³⁸ El ngara chedaol ngklel a Mastang el Osobeled el, Jesus Kristo, amen.

ULEKLATK

1. Mesa 1 Korinth 15:55; Mosiah 16:8.
2. 1 Peterus 1:3; smisichii a belkul.
3. 1 Thessalonika 4:18; direk el mesa bades 13–17.
4. Jakobus 4:12.
5. 2 Nephi 25:26.
6. Alma 34:10, 15.
7. Efesus 3:18–19.
8. Mesa Doctrine and Covenants 93:28.
9. Truly we are “little children, and . . . have not as yet understood how great blessings the Father hath in his own hands and prepared for [us]” (Doctrine and Covenants 78:17).
10. Rom 3:23.
11. 1 Nephi 15:34; dirrek el mesa 1 Nephi 10:21; Moses 6:57.
12. Mosiah 2:21.
13. Mesa Alma 42:15.
14. Alma 34:15.
15. Mesa Isaia 1:18.
16. 1 Timothy 2:6.
17. Mesa 2 Peterus 1:11.
18. Mesa Doctrine and Covenants 76:56.
19. Mesa Doctrine and Covenants 76:59.
20. Mesa Doctrine and Covenants 84:38.
21. Mosiah 27:25.
22. Moroni 10:32.
23. Mesa Ether 12:27.
24. Mesa Lukas 7:36–50; smisichii a belulkul.
25. A osisecheklel a Kristo el kirel a Farisi me a melai oleng a smodii tial tekoi el meketeklii (mesa Lukas 18:9–14).
26. Mesa Rrellir 20:28.
27. Rom 6:1–2.
28. Mosiah 5:2.
29. Mesa Doctrine and Covenants 121:45.
30. (MesaJohanes 7:17).
31. 2 Nephi 25:23; smisichii a belkul.
32. Mateus26:41; dirrek el mesa Rom 7:19.
33. 2 Nephi 4:17.
34. Mesa 2 Nephi 4:19–35; Alma 34:31.
35. 2 Nephi 25:23.
36. Mesa 3 Nephi 9:19–20.
37. Mesa1 Korinth 2:9.
38. Rom 6:4.

© 2015 lokuu a Intellectual Reserve, Inc. Urrekodel a rokui el klisich. Milluches er a USA. Kengei er a English: 6/14. Kengei er a oidel: 6/14. Oidel a *Visiting Teaching Message, May 2015*. Palauan. 12585 881